



Broj:01-  
Datum:

**PRIJEDLOG**

Na osnovu člana 66., 67. i 68. stav 2. Zakona o vodama ("Službene novine Federacije Bosne i Hercegovine", broj: 70/06), članom 40. stav 2. Zakona o vodama ("Službene novine ZE-DO kantona", broj 17/07), članom 11. stav 1. tačka e) Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva ("Službene novine Federacije Bosne i Hercegovine", broj: 88/12) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj \_\_\_\_\_ sjednici, održanoj \_\_\_\_\_ 2017. godine, donosi

**ODLUKU  
o zaštiti izvorišta vode za piće Mekiški potok i Trebačka rijeka  
na području općine Tešanj**

**I OPĆE ODREDBE**

**Član 1.  
(Predmet)**

(1) Izvorišta „Mekiš potok“ i „Trebačka rijeka“ (u daljem tekstu: Izvorišta „Stupa i Mekiš“), koristi se za potrebu vodosnadbijevanja Tešnja.

(2) Ovom „Odlukom“ se utvrđuju zone sanitarne zaštite, njihova veličina, granice, mjere zaštite, zabrane i ograničenja, te monitoring kvaliteta i kvantiteta voda na izvorištu, zatim izvori i način financiranja zaštitnih mjera, za planski period od najmanje 10 godina, kao i nadzor nad provođenjem ove Odluke, te kaznene odredbe i druga pitanja od interesa za provođenje sanitarne zaštite predmetnog izvorišta.

(3) Zaštita izvorišta se uspostavlja prema Elaboratu zaštite izvorišta „Mekiš potok i Trebačka rijeka“, općina Tešanj, čiji je obrađivač „ES HYDROTECHNICS“ d.o.o. Sarajevo iz jula 2017. godine.

**Član 2.  
(Naziv i lokacija izvorišta)**

(1) Sliv Izvorišta „Stupa i Mekiš“ nalazi se u cijelosti na teritoriji Općine Tešanj .

(2) Izvorište „Trebačka rijeka (Stupa)“ je locirano 4 km južno od Tešnja sa koordinatama vodozahvata:

$x = 6499257,52$ ;  $y = 4936778,31$ ; na koti oko 383,30 m.n.m., a

Izvorište „Mekiš potok“ 3,5 km jugozapadno od Tešnja sa koordinatama vodozahvata:  $x = 6498471,67$ ;  $y = 4937887,40$  na koti oko 334,85 m.n.m.

(3) Izvorište „Stupa i Mekiš“ i pratećim objektima koji su sastavni dio vodovodnog sistema Tešanj upravlja JP “RAD” d.d. Tešanj kao Operator sistema.

### Član 3.

Ovom Odlukom, utvrđuje se zaštita Izvorišta, uspostavljanjem i održavanjem zona sanitarne zaštite i zaštitnih mjera, utvrđenih u skladu sa lokalnim uslovima, na osnovu provedenih istražnih radova, analiza i stručnog elaborata za zone sanitarne zaštite koje se nalaze na području općine Tešanj.

### Član 4.

Utvrđivanje zona sanitarne zaštite i zaštitnih mjera vrši se u cilju zaštite voda Izvorišta od svih vidova zagađenja i štetnih utjecaja koji mogu nepovoljno djelovati na higijensku ispravnost vode za piće ili na izdašnost Izvorišta.

### Član 5.

#### (Uređenje prostora i primjena propisanih mjera zaštite)

- (1) Urbanističko uređenje prostora, građenje, privredne, poljoprivredne i druge djelatnosti mogu se vršiti samo na način i u mjeri koji su utvrđeni ovom „Odlukom“.
- (2) Privredna društva, federalni, kantonalni i općinski organi uprave, druga pravna lica i građani dužni su pridržavati se odredbi ove „Odluke“ i primjenjivati propisane mjere zaštite.

## II ZONE SANITARNE ZAŠTITE I ZAŠTITNE MJERE

### Član 6.

#### (Zone sanitarne zaštite)

- (1) U skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine FBiH“ broj: 88/12), Izvorište „Stupa i Mekiš“ predstavlja izvorišta sa zahvatom na otvorenom vodotoku.
- (2) Za izvorišta „Stupa i Mekiš“, utvrđuju se sljedeće zone sanitarne zaštite:

**I zona zaštite – zona sa najstrožijim zabranama i ograničenjima;**

**II zona zaštite – zona strogih zabrana i ograničenja.**

#### A/ I ZAŠTITNA ZONA – ZONA NAJSTROŽIJEG REŽIMA ZAŠTITE (ZONA IZVORIŠTA)

### Član 7.

#### (Područje i granice I zaštitne zone)

- (1) I zaštitna zona izvorišta “Stupa i Mekiš“, uspostavlja se u cilju spriječavanja, direktnog zagađenja površinske vode štetnim i opasnim materijama, ulazka životinja i neovlaštenog pristupa ljudi. I zaštitna zona izvorišta “Stupa i Mekiš“, utvrđuje se za teren neposredno oko vodozahvatnog područja (tirolski prag).
- (2) Granica I zaštitne zone ovih izvorišta-vodozahvata utvrđuje se na udaljenosti ne manjoj od 25 m, od vanjske konture vodozahvatnog područja. Ista se označava adekvatnim plutačama i plovcima na vodotoku, te osigurava ogradom ne manjom od 2 m na obalama vodotoka, koja se postavlja na udaljenosti ne manjoj od 25 m.
- (3) Na ovaj način vodozahvatni objekti štite se od slučajnog ili namjernog zagađenja ili oštećenja. Ukupna površina I zaštitne zone oko izvorišta iznosi,  $F = 1.875 \text{ m}^2$ .
- (4) Područje I zaštitne zone, obuhvata prostor na kome se nalaze vodozahvatni objekti – tirolski prag i uzvodni dio korita na udaljenosti 25 m od vodozahvata.

### Član 8.

#### (Objekti u I zaštitnoj zoni)

- (1) Na području I zaštitne zone ovih izvorišta, nalaze se sljedeći objekti:
  - Zahvat vode na Trebačkoj rijeci sastoji se od betonske pregrade sa vodozahvatnom građevinom i pjeskolovom, odakle se voda LŽ cjevovodom  $\varnothing 150 \text{ mm}$  gravitaciono odvodi na postrojenje za preradu.

- Zahvat vode na Mekiškom potoku čini tzv. Tirolski zahvat dužine oko 10 m i LŽ cjevovod prečnika Ø150 mm kojim se zahvaćena voda gravitaciono dovodi do transportnog cjevovoda Trebačke rijeke.

(2) Pored postojećih objekata, iz stava 1. ovog člana, na području I zaštitne zone, mogu se, uz primjenu propisanih mjera zaštite u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodo-snabdijevanje stanovništva („Službene novine FBiH“, broj: 88/12), nalaziti i drugi vodoprivredni objekti, kao što su vodozahvatni objekti, rezervoari, pumpne stanice, trafostanice, administrativni objekti, prilazni i unutrašnji putovi i drugi objekti koji su neophodni za rad i nesmetano zahvaćanje voda ovih izvorišta za potrebu snabdijevanja stanovništva grada Tešnja.

#### **Član 9.**

##### **(Vlasništvo nad objektima u I zaštitnoj zoni)**

Vodni i drugi objekti iz člana 8., ove Odluke koji služe za zahvatanje vode ovog izvorišta, za snabdijevanje dijela grada Tešnja u vlasništvu su JP „Rad“ d.d. Tešanj koje upravlja izvorištem i koje je nadležno je za provođenje svih zaštitnih mjera propisanih ovom Odlukom na području I zaštitne zone, i surađivati će prilikom provođenja mjera iz svoje nadležnosti sa općinskim službama zaduženim za komunalne i inspeksijske poslove.

#### **Član 10.**

##### **(Obilježavanje I zaštitne zone)**

JP „Rad“ Tešanj, dužno je na odgovarajući način obilježiti I zaštitnu zonu, što naročito uključuje naziv izvorišta i zaštitne zone, naziv poduzeća koja upravlja izvorištem, broj dežurnog telefona za hitne slučajeve i upozorenje o zabrani neovlaštenog pristupa.

#### **Član 11.**

##### **(Pristup na područje I zaštitne zone)**

(1) Pristup na područje I zaštitne zone dozvoljen je samo ovlaštenim osobama, što uključuje pripadnike JP „Rad“ d.d. Tešanj, ovlaštene da upravljaju vodozahvatnim sistemom, a koji stalno ili povremeno po dobivenom odobrenju, rade na objektima unutar ove zone, te nadležnim inspeksijskim organima u toku vršenja redovnih ili vanrednih kontrola ove zone, kao i drugim licima uz posebno odobrenje i evidenciju njihovog boravka i aktivnosti.

(2) Sva lica iz prethodnog stava ovoga člana moraju posjedovati odgovarajuće propusnice kako bi mogla pristupiti prostoru I zaštitne zone. Vrste propusnica i uslovi njihovog izdavanja utvrđuju se „Općim aktima“ operatora koji koristi, odnosno upravlja vodozahvatom. Internim aktima JP „Rad“ d.d. Tešanj treba regulirati procedure održavanja neposrednog vodozahvata sa ovog izvorišta.

#### **Član 12.**

##### **(Obaveza periodičnog liječničkog pregleda)**

Lica koja stalno ili povremeno rade na objektima vodozahvata unutar I zaštitne zone moraju biti podvrgnuta periodičnim liječničkim pregledima, u skladu sa odgovarajućim propisima o sanitarnoj zaštiti.

#### **Član 13.**

##### **(Zaštitne mjere na području I zaštitne zone izvorišta i režim zaštite)**

(1) Na području I zaštitne zone izvorišta, zabranjuju se sve aktivnosti koje nisu u direktnoj vezi sa normalnim radom i održavanjem vodozahvatih objekata. Aktivnosti koje se provode u cilju normalnog rada i održavanja vodozahvatih objekata, ne smiju štetno djelovati na Izvorište.

(2) Izuzetno od odredaba stava 1. ovoga člana, dozvoljavaju se, a u skladu sa Prilogom 1. Pravilnika o načinu utvrđivanja uslova za određenje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine FBiH“, broj: 88/12), slijedeće aktivnosti:

a) Uz standardne mjere zaštite:

1. Izgradnja kanalizacije i drugih infrastrukturnih instalacija koje omogućuju redovno funkcioniranje

- objekata vodozahvatnog područja;
2. Prirodni uzgoj trave, pri čemu nije dozvoljena upotreba đubriva i drugih agrotehničkih sredstava.

b) Uz standardne i dodatne mjere zaštite: kontrolirana sječa i krčenje šume, što podrazumijeva sječenje samo stabala koji eventualno smetaju održavanju I zaštitne zone. Ovu sječu vrši Operator zadužen za održavanje izvorišta.

## **B/ II ZAŠTITNA ZONA – ZONA SA STROGIM ZABRANAMA I OGRANČENJIMA**

### **Član 14.**

#### **(Područje i granice II zaštitne zone)**

- (1) Područje II zaštitne zone, obuhvata prostor od granice I zaštitne zone do vanjske granice II zaštitne zone. II zaštitna zona obuhvata dio vodotoka i pojas obalnog područja sa obje strane vodotoka i njihovih pritoka u obuhvatu II zaštitne zone, a uzvodno od vanjske granice I zaštitne zone.
- (2) Za izvorište Stupa, II zaštitna zona uspostavlja se uz vodotok Trebačka rijeka uzvodno na dužini od 1.475 m, a u zahvatu pojasa od po 50 m sa obje strane vodotoka. Pored toga II zaštitna zona se uspostavlja i uz dvije stalne pritoke, na dijelu stalnog toka, koje se u Trebačku rijeku ulijevaju neposredno prije vodozahvata Stupa.
- (3) Na vodozahvatu Mekiš, II zaštitna zona se uspostavlja uzvodno od I zaštitne zone na dužini od 1.475 m u zahvatu pojasa po 50 m sa obje strane vodotoka.
- (4) Površina II zaštitne zone za izvorište „Stupa“ iznosi  $F=259.500 \text{ m}^2$  a za „Mekiš“  $F=147.500 \text{ m}^2$ . Grafički prikaz sa tačnom granicom II zaštitne zone izvorišta „Stupa - Mekiš“ dat je u Prilogu br. 4 Elaborata.

### **Član 15.**

#### **(Područje i granice II zaštitne zone)**

- (1) Na području II zaštitne zone izvorišta za sve aktivnosti se propisuju nivoi ograničenja i zabrana u skladu sa Prilogom 1., Pravilnika o načinu utvrđivanja uslova za određenje zona sanitarne zaštite i zaštitnih mjera za izvorišta vode za javno vodo-snabdijevanje stanovništva.
- (2) Na području II zaštitne zone zabranjuju se slijedeće aktivnosti:
- Izgradnja novih urbanih naselja,
  - Proširenje postojećih urbanih naselja,
  - Izvođenje ili obavljanje bilo kakvih aktivnosti koje izazivaju ili pospješuju eroziju tla,
  - Iskopi u vodonosnom sloju,
  - Vađenje materijala iz vodotoka,
  - Izgradnja i rad kamenoloma i drugih pozajmišta materijala,
  - Minerski i drugi građevinski radovi koji nisu u funkciji vodo-snabdijevanja, a koji mogu poremetiti kompoziciju vodonosnih slojeva,
  - Izvođenje istražnih radova za mineralne vode, kao i druge materije koje mogu ugroziti kvalitetu vode na izvorištu,
  - Transformatorske stanice,
  - Izgradnja novih, korištenje ili proširenje postojećih groblja,
  - Ispuštanje nepročišćenih urbanih otpadnih voda,
  - Izgradnja i rad postrojenja za tretman urbanih otpadnih voda,
  - Odlaganje bilo kakvog čvrstog, građevinskog, komunalnog i drugog otpad,
  - Izgradnja i rad sanitarnih deponija,
  - Izgradnja i rad postrojenja za tretman mulja u sastavu postrojenja za tretman otpadnih,
  - Izgradnja i rad postrojenja za tretman životinjskog otpada,
  - Podzemna eksploatacija mineralnih sirovina, izgradnja i rad objekata za deponiranje, mljevenje i

- preradu sirovina i jalovine,
- s) Površinska eksploatacija mineralnih sirovina, izgradnja i rad objekata za deponiranje, mljevenje i preradu sirovina i jalovine,
- t) Izvođenje istražnih i eksploatacionih bušotina na naftu i zemni gas,
- u) Izvođenje istražnih i eksploatacija radioaktivnih tvari,
- v) Pogoni metalne industrije,
- z) Pogoni kemijske industrije,
- aa) Pogoni gumarske industrije,
- ab) Pogoni industrije papira i celuloze,
- ac) Pogoni kožarske industrije,
- ad) Pogoni prehrambene industrije,
- ae) Skladištenje svih industrijskih sirovina i kemikalija opasnih za vodu,
- af) Deponije industrijskog otpada opasnog za kvalitete vode na izvorištu,
- ag) Izgradnja i rad industrijskih kanalizacijskih sistema,
- ah) Izgradnja i rad postrojenja za tretman industrijskih otpadnih voda,
- ai) Ispuštanje ili akumuliranje neprečišćenih industrijskih otpadnih i rashladnih voda,
- aj) Izgradnja autocesta i cesta rezerviranih za motorni saobraćaj,
- ak) Izgradnja depoa za teška vozila,
- al) Izgradnja i rad autobusnih stanica i terminala,
- am) Izgradnja željezničkih pruga, ranžiranih stanica i terminala,
- an) Izgradnja i rad aerodroma ili poletno-sletnih staza za korištenje u zračnom saobraćaju,
- ao) Izgradnja i rad cjevovoda za transport tekućina opasnih za kvalitetu vode,
- ap) Cestovni transport kemikalija, tečnih goriva i drugih opasnih materija,
- ar) Izgradnja nadzemnih ili podzemnih spremnika,
- as) Izgradnja pretakališta,
- at) Izgradnja benzinskih stanica uz prometnice,
- au) Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstava,
- av) Intenzivna stočarska i peradarska proizvodnja,
- az) Deponiranje čvrstog ili tečnog stajnjaka za pojedinačna domaćinstva,
- aaa) Intenzivna ispaša stoke,
- aab) Skladištenje đubriva i pesticida,
- aac) Poljoprivredna proizvodnja praćena intenzivnim korištenjem vještačkih đubriva, stajnjaka, pesticide, herbicida i insekticida,
- aad) Navodnjavanje prečišćenim otpadnim vodama,
- aae) Nekontrolirana sječa šume,
- aaf) Korištenje plovnih sredstava sa unutrašnjim sagorijevanjem
- aag) Izgradnja i rad igrališta za golf.

(3) Na području II zaštitne zone dozvoljene su uz standardne i dodatne mjere zaštite, slijedeće aktivnosti:

- a) Proširenje postojećih urbanih naselja;
- b) Individualna stambena izgradnja uz korištenje samostalnih sistema za tretman otpadnih voda (npr. septičke jame);
- c) Održavanje postojećih građevinskih objekata bez promjene namjene;
- d) Izgradnja urbanih prometnica i pripadajućih objekata (parkirališta, mostova, tunela...),
- e) Skladištenje ograničenih količina lož ulja ili pogonskog goriva za poljoprivredne strojeve za potrebe individualnog domaćinstva;
- f) Stočarska i peradarska proizvodnja za vlastite potrebe pojedinačnih domaćinstava,
- g) Napajanje stoke iz površinskih vodotoka,

- h) Izgradnja i rad sportsko-rekreacionih i banjsko-lječilišnih objekata,
  - i) Kampiranje ili drugi vid organiziranog okupljanja ljudi u prirodi,
  - j) Izgradnja i rad otvorenih sportskih terena,
  - k) Izgradnja i rad skijališta.
- 4) Na području II zaštitne zone dozvoljene su uz standardne mjere zaštite, sljedeće aktivnosti:
- a) Deponovanje industrijskog otpada bezopasnog za kvalitet vode na izvorištu,
  - b) Poljoprivredna proizvodnja zdrave hrane bez korištenja vještačkih đubriva, stajnjaka, pesticide, herbicida i insekticida,
  - c) Prirodni uzgoj trave bez upotrebe đubriva i drugih agrotehničkih sredstava,
  - d) Kontrolirana sječa i krčenje šuma,
  - e) Turističke aktivnosti,
  - f) Rekreacioni i sportski ribolov.

(5) U pogledu uslova za postojeće objekte i sanitarne otpadne vode, treba naglasiti da na području II zaštitne zone izvorišta „Stupa i Mekiš“, trenutno ne postoje nikakvi stalni zagađivači.

### **III ORGANI NADLEŽNI ZA PROVOĐENJE ODLUKE**

#### **Član 16.**

##### **(Nadzor nad primjenom odluke)**

Organi nadležni za provođenje ove Odluke su JP „Rad“ d.d. Tešanj i Općina Tešanj svako u okviru svojih nadležnosti.

### **IV PROVOĐENJE MJERA ZAŠTITE**

#### **Član 17.**

##### **(Nadležnost za provođenje mjera zaštite)**

Aktivnosti na realizaciji mjera zaštite u I zaštitnoj zoni izvorišta „Stupa i Mekiš“ provodit će JP „Rad“ Tešanj.

### **V IZVORI I NAČIN FINANSIRANJA**

#### **Član 18.**

##### **(Finansiranje mjera zaštite u I zoni)**

Financiranje provođenja mjera zaštite u I zaštitnoj zoni izvorišta vršiti će Operator vodovodnog sistema ovog izvorišta JP „Rad Tešanj.

### **VI NADZOR NAD PROVOĐENJEM ODLUKE**

#### **Član 19.**

##### **(Nadzor nad primjenom odluke)**

(1) Upravni nadzor nad provođenjem ove Odluke vrše nadležni organi Zeničko-dobojskog kantona i Općine Tešanj.

(2) Inspeksijski nadzor nad provođenjem ove Odluke odnosno nad provođenjem režima i mjera zaštite propisanih ovom Odlukom vrše federalni, kantonalni i općinski inspeksijski organi u skladu sa važećim zakonskim propisima.

### **VII KAZNENE ODREDBE**

## **Član 20.**

### **(Novčana kazna za pravna lica)**

(1) Novčanom kaznom od 1.000 do 5.000 KM, kaznit će se za prekršaj pravno lice:

- (a) ako vrši izvođenje radova, izgradnju ili rekonstrukciju objekata ili obavlja aktivnosti protivno odredbama člana 13. i 15 ove Odluke;
- b) ako ne postupi u skladu sa članom 9., 10., 11. i 12. ove Odluke;
- c) ako ne izvrši ili neblagovremeno izvrši radnje iz člana 23. ove Odluke.

(2) Za prekršaj iz stava 1. ovoga člana kaznit će se i odgovorno lice u pravnom licu novčanom kaznom u iznosu od 100 do 1.000 KM.

## **Član 21.**

### **(Novčana kazna za fizička lica)**

Novčanom kaznom od 100,00 do 500,00 KM kazniti će se za prekršaj fizičko lice ako vrši radove ili obavlja aktivnosti protivno zaštitnim mjerama propisanim u članu 13. i 15. ove Odluke.

## **VIII PRELAZNE I ZAVRŠNE ODREDBE**

## **Član 22.**

### **(Grafički prilozi)**

Sastavni dio ove Odluke je grafički prilog na kome su prikazane granice zona sanitarne zaštite izvorišta. (Prilog br. 4 Elaborata).

## **Član 23.**

### **(Obaveze uređenja zona)**

- (1) Na područjima I zaštitne zone izvršit će se uređenje prostora i provođenje zaštitnih mjera u skladu sa ovom „Odlukom“ i Elaboratom zaštite u roku od dvije godine od dana njenog donošenja (stupanja na snagu).
- (2) JP „Rad“ Tešanj, zaduženo je da upravlja izvorištem i objektima koji se nalaze unutar I zaštitne zone, kao i druga pravna i fizička lica, koja se na bilo koji način mogu dovesti u vezu sa izvorištem, dužni su pridržavati se odredaba ove Odluke i primjenjivati istu.

## **Član 24.**

Ukoliko kod sprovođenja mjera zaštite izvorišta iz ove Odluke nastupe štete ili štetne posljedice za vlasnike nekretnina proistekle iz zabrana ili ograničenja, Operator vodovodnog sistema dužan je vlasnike obešteti.

## **Član 25.**

### **(Obaveza usklađivanja planskih dokumenta)**

Služba za katastar, urbanizam i imovinsko pravne poslove dužna je u roku od 30 dana od dana usvajanja ove Odluke granice zona sanitarne zaštite prenijeti na prostorno plansku dokumentaciju.

## **Član 26.**

### **(Stupanje na snagu)**

Ova Odluka stupa na snagu narednog dana od dana objavljivanja u “Službenom glasniku Općine Tešanj”.

**PREDSJEDAVAJUĆI VIJEĆA**

Senad Subašić, dipl.oec.





## Obrazloženje

### PRAVNI OSNOV


Pravni osnov za donošenje Odluke o zaštiti izvorišta vode za piće Mekiški potok i Trebačka rijeka na području općine Tešanj sadržan je u 40. stav 2. Zakona o vodama ("Službene novine ZE-DO kantona", broj 17/07), članu 11. stav 1. tačka e) Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva ("Službene novine Federacije Bosne i Hercegovine", broj: 88/12)

### Razlozi za donošenje

Općinsko vijeće Tešanj na svojoj 12. sjednici, održanoj 31.10.2017. godine, razmatrajući Nacrt odluke o zaštiti izvorišta vode za piće Mekiški potok i Trebačka rijeka na području općine Tešanj, usvojilo je zaključak kojim se prihvata Nacrt odluke i ista upućuje na javnu raspravu.


Nakon što je provedena javna rasprava (Izveštaj u prilogu Odluke), kako nije bilo primjedbi, nadležna Služba je u cilju poboljšanja teksta Odluke izvršila određene promjene koje su u skladu sa Jedinstvenim pravilima za izradu pravnih propisa u ZDK ("Službene novine ZDK", broj: 5/08). Pravila imaju za cilj unificiranje tehnike za izradu propisa, pa u tom smislu nije bilo suštinskih izmjena u Prijedlogu odluke.

**OBRADIVAČ**  
Služba za finansije, privredu,  
komunalne i inspeksijske poslove  
Hamzalija Hojkurić, dipl.ecc.



**PRIJEDLAGAČ**  
**OPĆINSKI NAČELNIK**  
Mr. Suad Huskić

Broj: 02-25-2-1876-5/17  
Datum: 06.12.2017. god.



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**  
**Služba za finansije, privredu, komunalne i inspeksijske poslove**

Broj:04-25-2-1876-4/17  
Datum: 06.12.2017. godine

**OPĆINSKO VIJEĆE**

**PREDMET:** Izvještaj o provedenoj javnoj raspravi na Nacrt odluke o zaštiti izvorišta vode za piće Mekiški potok i Trebačka rijeka na području općine Tešanj,-

Općinsko vijeće Tešanj na svojoj 12. sjednici, održanoj 31.10.2017. godine, razmatrajući Nacrt odluke o zaštiti izvorišta vode za piće Mekiški potok i Trebačka rijeka na području općine Tešanj, usvojilo je zaključak kojim se prihvata Nacrt odluke i ista upućuje na javnu raspravu.

Poziv za učešće u javnoj raspravi po Odluci objavljen je na web stranici Općine Tešanj, oglašen putem medija i oglasnih ploča Općine Tešanj i mjesnih zajednica Dobropolje-Mekiš i Karadaglije. Usmena javna rasprava održana je dana 29.12.2017. godine u prostorijama Općine Tešanj. Svim zainteresiranim ostavljen je rok za dostavu pisanih primjedbi i prijedloga do 04.12.2017. godine.

Usmenoj raspravi prisustvovali su: predstavnici Predstavnicima Općine Tešanj Sedad Aličehajić i Haška Hundur, te predstavnici JP "Rad" dd Tešanj, Livnjak Čamila, Bošnjak Himzo i Kapić Indir.

U ostavljenom roku za dostavu pisanih primjedbi na ponuđeni Nacrt odluke nije bilo primjedbi.

Na usmenoj raspravi takođe nije bilo primjedbi na ponuđeni tekst Odluke.

**Dostavljeno:**

- 1.Imenovani,
- 2.a/a

**POMOĆNIK OPĆINSKOG NAČELNIKA**

Hamzalija Hojkuric, dipl. ecc.